

Pelajar FTeK berbasikal amal gaya hidup sihat



Gambang, 16 April- Seramai 60 pelajar dari Fakulti Teknologi Kejuruteraan (FTeK) berbasikal dalam menyemarakkan aktiviti beriadah sebagai gaya hidup sihat baru-baru ini. Program disertai Dekan FTeK, Profesor Dato' Dr. Zularisam Ab. Wahid.

Program anjuran Kelab Pelajar FTeK (ProTech) ini turut disertai staf fakulti yang berkayuh bermula seawal jam 8.00 pagi sejauh 12 km bermula dan berakhir di bangunan ETIM dengan satu pemeriksaan di Hub Halal.



“Berbasikal adalah salah satu aktiviti yang menyumbang kepada gaya hidup sihat dan menyeronokkan. Dengan keadaan badan sihat, kita boleh menjana minda yang positif yang membawa kepada kecemerlangan dan kehidupan yang lebih ceria,” katanya.

Profesor Dato’ Dr. Zularisam mengharapkan amalan ini dapat diteruskan bagi menyemarakkan semangat kesukanan di kalangan kakitangan FTek dan pelajar. Malahan ianya juga sebagai menyahut seruan pihak universiti dalam menjayakan salah satu inisitif bagi menjayakan Pelan Strategik UMP 2016-2020 yang bertemakan Memasyarakatkan Universiti.



Peserta juga boleh menikmati pemandangan sekitar kampus dan memupuk semangat kebersamaan serta mengeratkan hubungan baik antara staf dan pelajar.

Program berakhir jam 12.00 tengah hari dengan acara penyampaian hadiah kepada pemenang yang disampaikan pensyarah FTeK, Dr. Mohd. Fakhurrazi Ishak.

Disediakan Unit Perhubungan Awam, Bahagian Komunikasi Korporat PNC

Posted By : NOR FADZILLAH BINTI ZULKIPLI Date Posted : 29-04-2016, 11:25:05